



PROFESOR Dr. Ismail Ibrahim (berdiri lapan dari kiri) bersama para pemenang dan peserta pertandingan pidato.



JOHAN Pertandingan Pidato Peringkat UMS, Norsharifah Waty.

Norsharifah juara pertandingan pidato anjuran UMS

NST 15.12.2018 6

KOTA KINABALU: Norsharifah Waty Abdul Salim muncul johan pertandingan pidato anjuran Kursus Pidato Universiti Malaysia Sabah (UMS) yang berlangsung di Dewan Kuliah Pusat I, Pusat Persediaan Sains dan Teknologi UMS, baru-baru ini.

Pelajar Fakulti Psikologi dan Pendidikan UMS yang menyampaikan 'pidato' bertajuk:

"Mental Health Awareness" itu berjaya mencuri perhatian juri melalui persembahan yang mantap dengan lontaran idea yang bernas sekaligus dinobatkan sebagai pemenang pertandingan.

Tempat kedua dan ketiga masing-masing dimenangi Iskandar Zulkarnain Abdul Rami dan Mohammad Amzar Makdani dari Fakulti

Kemanusiaan, Seni dan Warisan (FKSW) UMS.

Kesemua mereka membawa pulang hadiah berupa hamper dan sejumlah wang tunai yang disampaikan Dekan FKSW, Prof. Dr. Ismail Ibrahim selaku jemputan kehormat.

Pertandingan pidato kali ini antara lain mewajibkan para peserta menyampaikan pida-

to sama ada bahasa Melayu atau bahasa Inggeris berdasarkan pilihan tajuk yang diberikan.

Dibuka kepada seluruh siswa-siswi UMS, pertandingan itu dihakimi dua juri berpengalaman iaitu Pengarah Penerbit UMS, Prof. Madya Dr. Asmiaty Amat dan Pensyarah Kanan FKSW, Dr. Lokman Abd. Samad. Hadir sama Pengarah Program, Anis Hafizah Azmi.